



**DOWLADDA HOOSE EE DEGMAA GAROOWE
DOWLADDA PUNTLAND EE SOOMAALIYEED**

**WARGELINTA DADWEYNAHA
EE
QORSHAHA MAAREYNTA DEEGAANKA IYO BULSHADA**

MAAJO 26, 2022

Dowladda Hoose ee Degmada Garoowe waxay fulinaysaa wejiga labaad ee mashruuca uu maalgeliyo Bangiga Adduunku ee adkasiga¹ magaaloyinka Soomaaliyeed. Dowladda Hoose ee Degmada Garoowe waxay qorsheysay in ay dhiso shan (5) waddo oo laami ah iyo hal (1) buundo. Waddooyinka iyo buundada la dhisi doono wadarta cabbirkoodu waxa ay dhan yahay 7.6km waxayna kala yihiin:

1. Waddada Waaberi – 1.4 kilomitir (aaga Saddex Xiddigood ilaa Kaam Shabeelle);
2. Waddada Injida – 0.7 kilomitir (waxay isku xiraysaa Waddooyinka Islaan Maxamed iyo Shiikh Cabdulqaadir);
3. Waddada 30-ka – 2 kilomitir (dhanka Galbeedka);
4. Waddada Towfiig – 2.14 kilomitir (wadada hormarta Maqaayada Isbageeti);
5. Waddada hormarta Dugsiga Sare ee Gambool/Jaamacadda Dawladda Puntland (Puntland State University)/Cisbitaalka Guud ee Garoowe – 1.22 kilomitir; iyo
6. Buundo loo maro Cisbitaalka Guud iyo goobaha kale ee waxbarashada – 0.14 kilomitir.

Dowladdu waxay diyaarisay qorshaha maareynta deegaanka iyo bulshada (QMDB) iyada oo tixraacaysa shuruudca Dowladda Puntland iyo halbeegyada Bangiga Adduunka ee ku aadan deegaanka, bulshada, caafimaadka iyo badqabka. Siddeed (8) ka mid ah tobanka (10) halbeeg ee deegaanka iyo bulshada ee uu meel mariyey Bangiga Adduunku ayaa mashruucan lagu dabakhay.

QMDB waxa uu qeexaya saameynta taban ee hawlaha mashruucu ku keeni karo deegaanka iyo bulshada ku nool magaalada, isla mar ahaantaasna tilmaamaya hawlaha u baahan in wax laga qabto si loo maareeyo saameynta si waafaqsan shuruudaha Bangiga Adduunka. Qorshahan waxaa kaabaya qorshayaasha kale ee lagu maareynayo deegaanka iyo bulshada kuwaas oo ay ka mid yihiin:

1. Qaab-dhismeedka maareynta deegaanka iyo bulshada;
2. Habraaca maareynta shaqaalaha;
3. Qorshaha hawlgelinta daneeyayaasha;
4. Qorshe hawleedka dib-u-dejinta; iyo

¹ Sidii ay ugu adkaysan lahaayeen colaadaha iyo masiibooyinka dabiiciga ah.

5. Qorshaha maareynta amniga.

Diyaarinta QMDB waxaa lagu saleeyey latashiyo iyo xogo laga helay daneeyayaasha mashruuca iyo qiimeyn lagu sameeyey xaaladda dhaqan-dhaqaalle ee bulshada ku nool aagga laga hirgelin doono waddooyinka iyo buundada. Qiimeyntii la sameeyay waxaa ka soo baxday in mashruucu saameyn dhexdhexaad ah oo taban iyo khataro uu ku yeelan karo deegaanka iyo bulshada ku nool agagaarka waddooyiinka iyo buundada laga dhisayo.

QMDB waxaa si faah-faahsan looga dheehan karaa saameynta togan iyo midda taban ee mashruucu u gaysan karo deegaanka iyo bulshada. Sidoo kale, waxa uu tilmaamayaa hawlaha la rabo in wax laga qabto si looga hortago, loo yareeyo ama meesha looga saaro saameynta taban iyo khataraha ka dhalan kara heerarka iyo hawlaha la xiriira dhismaha waddooyinka iyo buundada.

Saameyn Taban ee heerarka kala duwan ee dhismaha waddooyinka cusub iyo buundada	Saameyn Togan ee laga helayo dhisida waddooyinka cusub iyo buundada
<ul style="list-style-type: none">• Burburinta hantida dadka mashruucu saameynta ku yeeshay ee ku nool goobaha waddadu cirirka ka tahay (ka yar cabbirkii loo baahnaa);• Dikhaw ku dhaca hawada, biyaha, IWM;• Sawaxan ka dhasha gaadiidka ama qalabka la isticmaalayo;• Khataro caafimaad ee ka dhalan kara waqtiga dhismaha waddooyinka sida shilalka;• Noocyada kala duwan ee wasakhda;• Kor u kac ku yimaada qulqulka biyaha xiliyada roobku da'o;• Bulshadu ama shaqaaluhu in ay u nuglanaadaan khataraha waqtiga shaqada dhismaha waddooyinku socdaan;• Faafitaanka cudurka COVID-19;• Shaqaaqooyinka ka dhanka ah jinsiga• Shaqaaleysiinta carruurta; iyo• Isku socodka gaadiidka iyo dadka inta dhismaha waddooyinku socdaa.	<ul style="list-style-type: none">• Fursado shaqo abuur, gaar ahaan dadka xirfada leh sida injineerada, sahimiyayaasha dhulka, muruq-maalka, IWM;• Kor u kac dakhliga shaqaalaha ka faa'iideysanaya mashruuca;• Kor u kaca dhaqaalaha gudaha sida abuurida fursadaha ganacsiga;• Fududeynta in qaybaha kala duwan ee bulshadu si sahlan ku gaaraan goobaha adeeg bixinta;• Kor u qaadidda isku socodka gaadiidka iyo dadka dhismaha waddooyinka ka dib; iyo• Hormarinta bilicda guud ee magaalada iyo agagga waddooyinka laga hirgeliyey.

QMDB waxaa fulin doonta Shirkadda (Qandaraasle) dhisaysa waddooyinka iyo buundada kor ku xusan, waxaana duljoogteyn doonta Dowladda Hoose ee Degmada Garoowe iyo Hay'ada Qaramada Midoobay ee Adeegyada Mashaariicda ee loo yaqaan *United Nations Office for Project Services (UNOPS)*.

Mahadsanidiin,

Wada Shaqeyn Wacan,